

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKI NAČELNIK**



**Broj: 02-1123/23**  
**Vareš, 04.07. 2023. godine**

Na osnovu člana 8. Zakona o ministarskim, vladinim i drugim imenovanjima u FBiH („Sl. novine FBiH“, broj: 12/03, 34/03 i 65/13), člana 6. ; 8. i 11. Odluke o utvrđivanju standarda i kriterija za konačna imenovanja na pozicije u regulirane organe, broj: 01- 149/20 od 29.10.2020. godine, Općinski načelnik Općine Vareš r a s p i s u j e ;

**JAVNI OGLAS**  
**za izbor i imenovanje članova Nadzornog odbora u javnim preduzećima kojima**  
**je osnivač Općina Vareš**

**I. PREDMET JAVNOG OGLASA**

Raspisuje se Javni oglas za izbor i imenovanje članova Nadzornog odbora u javnim preduzećima kojima je osnivač Općina Vareš, i to:

1. Javno komunalno preduzeće d.o.o. Vareš, tri (3) člana,
2. JP „Vareš-stan“ d.o.o. Vareš, tri (3) člana,

**II. OPIS POZICIJE**

Nadzorni odbor ima sljedeće nadležnosti:

Nadzire rad uprave preduzeća, nadzire poslovanje preduzeća, priprema Poslovnik i predlaže ga skupštini, priprema Etički kodeks i predlaže ga skupštini, vrši izbor kandidata Odbora za reviziju i podnosi prijedlog za njegovo imenovanje skupštini, razmatra provedbeni propis za postupak nabavki i nadzire njegovo provođenje, daje mišljenje skupštini o prijedlogu uprave za raspodjelu profita, predlaže način pokrića gubitka, imenuje i razrješava članove uprave u skladu sa postupcima utvrđenim u Poslovniku, odnosno poslovnica, te važećim propisima, daje ovlaštenja za aktivnosti koje su ograničene Zakonom o javnim nabavkama, daje upute direktoru za provođenje uviđaja u vezi sa uočenim nepravilnostima, usvaja izvještaj uprave o poslovanju po polugodišnjem i godišnjem obračunu sa bilansom stanja i bilansom uspjeha i izvještajem revizije, podnosi skupštini godišnji izvještaj o poslovanju preduzeća koji obavezno uključuje izvještaj revizora, izvještaj o radu nadzornog

**adresa:** Zvijezda 34, 71330 Vareš  
**identifikacijski broj:** 4218285300002  
**depozitni račun Unicredit banka:**  
3380002210017420

**tel.:** 00387 32 848 100;  
**fax:** 00387 32 848 150;  
**web:** www.vares.info  
**e-mail:** vares@bih.net.ba



odbora i odbora za reviziju i plan poslovanja za narednu poslovnu godinu u okviru postojećeg i revidiranog plana, saziva skupštinu javnog preduzeća, nadzire upravu u provođenju preporuka datih od strane odbora za reviziju, te vanjskog revizora sa specifičnim rokovima, sistematski nadzor nad poslovanjem i zakonitošću poslovanja javnog preduzeća, redovito izvještavanje skupštine javnog preduzeća o svom radu, davanje instrukcija organima preduzeća radi otklanjanja nepravilnosti u radu, prisustvuje sjednicama skupštine javnog preduzeća i učešća u raspravi bez prava glasa, pregled poslovnih knjiga i dokumentacije javnog preduzeća i drugi poslovi predviđeni Zakonom.

### **III. MANDAT**

Mandat članova Nadzornog odbora je četiri godine, sa mogućnošću ponovnog izbora , a najviše dva mandata uzastopno.

Naknada za predsjednika i članove utvrđuje se aktima reguliranih organa ili Osnivača.

### **IV. UVJETI ZA POZICIJE**

Kandidat za imenovanje na pozicije u reguliranim organima Općine Vareš mora ispunjavati sljedeće opće i posebne uvjete:

#### **a) Opći uvjeti**

- da su državljani Bosne i Hercegovine,
- da su stariji od 18 godina ;
- da nije otpušten iz državne službe kao rezultat disciplinske mjere bilo na kojem nivou BiH, u periodu od tri godine prije objavljivanja upražnjene pozicije,
- da nije pod optužnicom Međunarodnog suda za ratne zločine u bivšoj Jugoslaviji (član IX. 1. Ustava BiH),
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH,
- da nema privatni/finansijski interes u Javnom preduzeću u kojem se kandiduje,
- da nije član organa zakonodavne, izvršne ili sudske vlasti ili savjetnik u smislu odredbi Zakona o sukobu interesa u tijelima vlasti FBiH, ako se radi o konačnom imenovanju u organe javnih preduzeća,
- da nije osuđivan za krivično djelo,
- da se ne vodi krivični postupak

#### **b) Posebni uvjeti**

- a.) da imaju najmanje VSS ili Bolonjski sistem studiranja sa najmanje 180 ECTS bodova
- b.) da imaju radno iskustvo od najmanje 3 godina nakon sticanja VSS ili bolonjskog sistema studiranja
- c.) da nisu predsjednici ili članovi nadzornog ili upravnog odbora u drugom pravnom licu sa većinskim državnim kapitalom;
- d.) da ima certifikat o završenom usavršavanju u skladu sa Uredbama o usavršavanju predsjednika i članova nadzornog odobora i uprava privrednih društava sa učešćem državnog kapitala, odnosno ovjerenu izjavu kandidata da prihvata obaveze da usavršavanje obavi u skladu sa Uredbom o usavršavanju predsjednika i članova nadzornog odobora i uprave privrednih društava sa učešćem državnim kapitalom, u roku od godine dana od dana imenovanja,

- e.) komunikativne i kreativne sposobnosti za savjesno, odgovorno i odlučno vođenje upražnjenih pozicija;
- f.) sposobnost nepristranog donošenja odluke;
- g.) prilagodljivost timskom radu;
- h.) sposobnost tumačenja ekonomskih, tehnoloških i pravnih analiza i propisa;
- i.) rezultati rada ostvareni tokom prethodnog radnog angažovanja;
- j.) preporuke ranijih neposrednih rukovodilaca;

Prilikom izbora uzet će se u obzir priznanja i rezultati koje su kandidati do sada stekli, te će se voditi računa o spolnoj i nacionalnoj strukturi izabраниh kandidata.

## V. POTREBNI DOKUMENTI

Kandidati koji se prijavljuju na pozicije predsjednika i članova nadzornog odobra javnih preduzeća čiji je osnivač Općina Vareš dužni su uz prijavu na oglas, koju možete preuzeti na web stranici Općine Vareš ([www.vares.info](http://www.vares.info)) ili na info pultu Općine Vareš, priložiti sljedeću dokumentaciju.

- a.) kraću biografiju;
- b.) uvjerenje o državljanstvu (original ili ovjerenu kopiju) ne starije od tri mjeseca;
- c.) ovjerenu kopiju diplome
- d.) uvjerenje da se ne vodi krivični postupak (original ili ovjerenu kopiju) ne starije od tri mjeseca (dostaviti po konačnom imenovanju)
- e.) uvjerenje da nisu osuđivani za krivično djelo ili privredni prestup (original ili ovjerenu kopiju) ne starije od 3 mjeseca (dostaviti po konačnom imenovanju)
- f.) potvrdu o radnom stažu;
- g.) potvrda (CIPS) o prebivalištu;
- h.) uvjerenje o zaposlenosti u Jedinostvenom općinskom organu Općine Vareš (za tačku I ovog oglasa.)
- i.) preporuku ranijih neposrednih rukovodilaca;
- j.) ovjerenu izjavu kojom se dokazuju opći uslovi tačke (c,d,e, f, g, i) i posebni uslovi (tačka c).

## VI. PODNOŠENJE PRIJAVA

Dokaz da kandidat nije osuđivan za krivično djelo i za privredni prestup nespojive sa dužnošću u instituciji-pravnom subjektu u kojem se kandiduje, pet (5) godina od dana pravosnažnosti presude isključujući vrijeme zatvorske kazne (pod tačkom „h“ općih uslova iz oglasa, službeno će se zatražiti od kandidata koji budu predloženi za konačno imenovanje.

Oglas za podnošenje prijava ostaje otvoren 15 dana od dana objavljivanja oglasa i računa se od datuma posljednje objave.

Obrazac prijave na Javni oglas može se preuzeti na web stranici i info pultu Općine Vareš.

**Podnosioci prijave u prijavi na oglas obavezno trebaju navesti naziv Nadzornog odobra javnog preduzeća u koju se prijavljuju.**

Podnosioci prijava s kojima se ne stupi u kontakt u roku od 8 (osam) dana od isteka roka za podnošenje prijava neće biti razmatrani u daljem procesu imenovanja.

Svi kandidati koji budu stavljeni na listu sa užim izborom biće pozvani na intervju pred Komisijom za izbor u regulirane organe. Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi mogli dovesti do sukoba interesa u slučaju da dođe do njegovog imenovanja.

Obrasci se mogu popuniti neposredno prije intervjuja.

Nakon intervjuja Komisija će putem pisane preporuke predložiti rang - listu sa najboljim

kandidatima i dostaviti ovlaštenom javnom službeniku – Općinskom vijeću.  
Bilo koji kandidat ili bilo koje drugo lice - član javnosti može podnijeti prigovor na konačno imenovanje ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima Federacije BiH.

Prigovor na konačna imenovanja podnosi se Skupštini javnog preduzeća.  
Javni oglas će biti objavljen u Službenim novinama FBiH, dnevnom listu „Oslobođenje“ , na web stranici Općine Vareš, na oglasnoj tabli Općine Vareš i na oglasnim tablama javnih preduzeća.  
Nepotpune i neblagovremene prijave neće se uzimati u razmatranje.

Prijave za Javni oglas dostaviti u zatvorenoj koverti sa naznakom:

**„JAVNI OGLAS ZA IZBOR I IMENOVANJE ČLANOVA NADZORNOG ODBORA  
U JAVNIM PREDUZEĆIMA KOJIMA JE OSNIVAČ OPĆINA VAREŠ  
- NE OTVARAJ“**

**(navesti naziv Nadzornog odbora javnog preduzeća na koji se prijava odnosi)**

na slijedeću adresu:

**KOMISIJA ZA IZBOR U REGULIRANE ORGANE  
OPĆINSKOG VIJEĆA VAREŠ  
Ulica: Zvijezda br. 34  
71330 VAREŠ**

**OPĆINSKI NAČELNIK**

**Zdravko Marošević**